



Siverth K. Heilmann

UPA 2024/48-1

Atassut

07. Maj 2024

Nunatsinni piniartut aalisartullu piniakkanut aalisakkanullu ilisimasaasa katersorneqartaler-nissaat ilisimasaallu ilisimatusarnikkut atorneqarlutillu nalilersuutaasarnissaat siunertaralu-gu Pinngortitaleriffik pillugu inatsisartut inatsisissaata nutarterneqarnissaannik Naalakkersuisut peqquneqassasut Inatsisartut aaliangiiffigisassaattut siunnersuut. Inatsit nutartigaq UPA 2025-mi saqqmminneqassaaq.

(Inatsisartunut ilaasortaq Mikivsuk Thomassen, Inuit Ataqtigiit)

Siullermik siunnersuuteqartumut qujanaq, imatullu naatsumik Atassummiit oqaaseqarfigissavarput.

Atassummiit oqaaseqartartutuut, pisuussutigut uumassusillit pineqartillugit pisassiisarnernilu ukiorpassuit, piniartut aalisartullu ilisimasaasa atorluarneqarnerunissaat, pinngortitaleriffimmiunut Naalakkersuisut aqutugalugit kaammattuuterpassuit ingerlattarpagut.

Aap nunami uumassusilinnik kisitsinernilu piniartut peqataatinneqartarnerat ajunngilaq. Kiisalu qilalukkanik allanillumi nalunaaqutsersuinerni suleqatigiittarneq pitsanngoriartoruusaarpoq.

Pinngortitali matumani immatta allanngorarnerata kingunerisaanik, aalisagaappata piniakkallu illikartarnerat pineqqittarneralu ilisimaarilluarparput. Aalisarnermi TAC-mik ukiumut pisassiinerni annikinaarisarnerit, qaammataluinnarnilu nunguttarneri pisasseeqqinnerpassuillu piviusuunerinut, Atassummiit oqariartuutigisakkagut tusaaneqartariaqalerput.

Sumi qangalu aalisarsimasatsinnik nalunaartussaataitanerit tunitsivinnullu tunniussisarnerit il il ukiorpassuit ingerlanneqartarput. Qanittumi nipisanniarnermi qulaani qulequtarineqartumut assingulluinarpoq TV-kut saqqummerpoq. Naalakkersuisulli peqquneqarnissaannik siunnersuut tunngaviatigut Atassummiit tapersersinnaavarput torrallanneqartariaqarporli.

Taamatullu naatsumik oqaaseqarluta, suliap aappassaaneerreqartigani aalisarnermut piniarnermullu ataatsimiititaliamut ingerlateqqaarneqarnissaa, matumanilu Naalakkersuisut minnerunngitsumillu uumasorsiuut pinngortitaleriffillu siunnerfinnut paaseqatigiinnissaat pisariaqarpoq.

Qujanaq.